

Broj: 08-14-1600-6/18
Mostar, 25.09.2018. godine

Na osnovu člana 64. stav (1) tačka b) najniža cijena, člana 70. stav (1), (3) i (6) Zakona o javnim nabavkama ("Službeni glasnik BiH", broj 39/14), na Preporuku Stalne komisije za javne nabavke broj: 08-34-2399-3/17 od 26.12.2017. godine u postupku javne nabavke usluga auto osiguranja i kasko osiguranja sa uključenim osiguranjem od rizika krađe – bez učešća službenih motornih vozila – oznaka i naziv iz JRJN 66000000-0 - Finansijske i osiguravajuće usluge, ministar Federalnog ministarstva energije, rudarstva i industrije, donosi

ODLUKU

o izboru najpovoljnijeg ponuđača za nabavku usluga auto osiguranja i kasko osiguranja sa uključenim osiguranjem od rizika krađe – bez učešća službenih motornih vozila, oznaka i naziv iz JRJN 66000000-0 - Finansijske i osiguravajuće usluge Federalnog ministarstva energije, rudarstva i industrije

Član 1.

Prihvata se preporuka Stalne komisije za javne nabavke (u daljem tekstu: Komisija), broj 08-14-1600-5/18 od 25.09.2018. godine, te se Ugovor za javnu nabavku usluga auto osiguranja i kasko osiguranja sa uključenim osiguranjem od rizika krađe – bez učešća službenih motornih vozila – oznaka i naziv iz JRJN 66000000-0 - Finansijske i osiguravajuće usluge dodjeljuje ponuđaču „Sarajevo osiguranje“ d.d. Sarajevo, sa sjedištem na adresi Maršala Tita 29, 71 000 Sarajevo, ponuda broj 01-2873/18 od 28.08.2018. godine, za konačnu ponuđenu cijenu, nakon okončane e-aukcije, od 5.954,60 bez PDV-a, kao najbolje ocijenjena ponuda.

Član 2.

Prijedlog ugovora o nabavci dostaviti će se na potpis izabranom ponuđaču „Sarajevo osiguranje“ d.d. Sarajevo, po isteku roka od 10 dana računajući od dana kada su svi ponuđači obavješteni o izboru najpovoljnije ponude.

Član 3.

Za izvršenje ove odluke zadužuje se Služba za finansijsko - računovodstvene poslove.

Član 4.

Ova odluka objavit će se na web-stranici www.fmeri.gov.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga auto osiguranja i kasko osiguranja sa uključenim osiguranjem od rizika krađe – bez učešća službenih motornih vozila, broj 08-14-1600/18 od 24.08.2018. godine.

Javna nabavka je provedena putem Konkurentskog zahtjeva za dostavu ponuda.

Procijenjena vrijednost javne nabavke bez PDV-a je 8.000,00 KM.

Obavještenje o nabavci broj 1380-7-2-26-3-12/18 poslano je na objavu dana 28.08.2018. godine.

Zahtjev za dostavu ponuda prosljeđen je na adrese tri ponuđača istovremeno sa slanjem obavještenja na Portal javnih nabavki.

Dana 25.09.2018. godine, Komisija je federalnom ministru energije, rudarstva i industrije dostavila Zapisnik o pregledu i ocjeni ponuda i Preporuku o izboru najpovoljnijeg ponuđača za nabavku usluga auto osiguranja i kasko osiguranja sa uključenim osiguranjem od rizika krađe – bez učešća službenih motornih vozila – oznaka i naziv iz JRJN 66000000-0 - Finansijske i osiguravajuće usluge.

Komisija je blagovremeno i pravilno izvršila otvaranje ponuda i izvršila pregled i ocjenu pristiglih ponuda, o čemu je sačinila odgovarajuće zapisnike u kojima je utvrđeno sljedeće:

- da su blagovremeno pristigle ukupno četiri (4) ponude;
- da nije bilo neblagovremeno zaprimljenih ponuda;
- da su ponude ponuđača „Sarajevo osiguranje“ d.d. Sarajevo, „Grawe osiguranje“ d.d. Sarajevo, „Central osiguranje“ d.d. Sarajevo i „Triglav osiguranje“ d.d. Sarajevo – Podružnica Mostar prihvatljive, jer ispunjavaju uslove za kvalifikaciju, propisane tenderskom dokumentacijom.

E-aukcija je zakazana za dan 19.09.2018. godine u 13:00 sati.

Nakon završetka e-aukcije Ugovorni organ je dobio Izvještaj o toku i završetku e-aukcije i najpovoljnijem ponuđaču.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te pregled i ocjenu prispjelih ponuda, shodno kriteriju najniža cijena.

U postupku ocjene provedenog postupka, federalni ministar energije, rudarstva i industrije nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „Sarajevo – osiguranje“ d.d. Sarajevo izabran primjenjujući kriterij najniže cijene koja je, nakon okončane e-aukcije, ponuđena u iznosu od 5.954,60 KM bez PDV-a, dok su ostali ponuđači ponudili sljedeće cijene:
2.) „Central osiguranje“ d.d. Sarajevo, cijena ponude nakon e – aukcije je 6.200,00 KM bez PDV-a,
3.) „Grawe osiguranje“ d.d. Sarajevo, cijena ponude nakon e – aukcije je 7.915,20 KM bez PDV-a, i
4.) „Triglav osiguranje“ d.d. – Podružnica Mostar, cijena ponude nakon e – aukcije je 7.978,99 KM bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može, radi zaštite svojih prava i pravnih interesa, izjaviti žalbu Federalnom ministarstvu energije, rudarstva i industrije u roku od 5 (pet) dana od dana prijema ove odluke.



MINISTAR

Nermin Džindić

DOSTAVITI:

- „Sarajevo – osiguranje“ d.d. Sarajevo
- „Central osiguranje“ d.d. Sarajevo
- „Grawe osiguranje“ d.d. Sarajevo
- „Triglav osiguranje“ d.d. – Podružnica Mostar
- evidenciji
- a/a